



Батлав:


Говьсүмбэр аймгийн Байгаль орчны
газрын дарга:


Д. Мөнх-Эрдэнэ
УСГА0034 9019192

Говьсүмбэр аймгийн Сүмбэр сумын Засаг
дарга:


З. Баярсайхан

Степ номадХХК-ийн Захирал


Д. Дэлгэрзул
УЗН00416

ГОВЬСҮМБЭРАЙМГИЙН СҮМБЭРСУМЫН “СҮМБЭР” АГНУУРЫН БҮС НУТГИЙН ХАМГААЛЛЫН МЕНЕЖМЕНТИЙГ ХАРИУЦАХ ГЭРЭЭ

ЕРӨНХИЙ ЗҮЙЛ

Энэхүү гэрээ нь агнуурын бүс нутгийн экосистемийг хамгаалах, тогтвортой хөгжлийн менежментийг хэрэгжүүлэх, ан амьтны санг хариуцан хамгаалах, түүнийг зүй зохистой ашиглах, нөхөн сэргээх, байгаль орчны асуудал эрхэлсэн Төрийн захиргааны төв байгууллагын бодлогыг, нутгийн иргэд, нөхөрлөл, байгаль хамгаалах төрийн бус олон нийтийн байгууллагууд зэрэг оролцогч талуудын үйл ажиллагааны харилцааг зохицуулахад чиглэгдэнэ.

Гэрээний зорилго

Тухайн бүс нутгийн ан амьтдыг оновчтой хамгаалалтанд авч, тогтвортой өсөлтийг хангах, зохистой ашиглалтын горимыг тогтоох, нарийвчилсан агнуур зохион байгуулалт хийх, агнуурын бүс нутгийн хилийн цэсийг 1 : 200 000 масштабтай газрын зураглал дээр тусгах, ан амьтны тоо толгой, сүргийн бүтцийг нарийвчлан тогтоох, мал, амьтны бэлчээрийн давхацлыг тодорхойлж түүнийг бууруулах арга замыг хайх, гадаад орчин, махчин амьтны нөлөөлөлд өртөх эрсдлийг багасгах зорилгоор биотехникийн арга хэмжээг цаашид авч хэрэгжүүлэх урт хугацааны менежментийн төлөвлөгөөг боловсруулан мөрдөж ажиллахад гэрээний гол зорилго оршино.

Агнуурын бүс нутаг

Говьсүмбэр аймгийн Сүмбэр сумын Иргэдийн Төлөөлөгчдийн Хурлын тэргүүлэгчдийн 2014 оны 10 сарын 14-ний өдрийн 71 тоот тогтоолыг үндэслэн “Степ номад” ХХК (эсвэл нөхөрлөл) нь тус сумын Бор өндөр уул, Жаргалант толгой, Их сансар уул, Бага сансар уул, Алаг өндөр уул, Зараа толгой, Хүрэн цохиот толгой, Сүмбэр толгой гэсэн 473.5 км² газар нутгийг хамарсан “Сүмбэр” агнуурын бүс нутгийн менежментийг хариуцан 2014 оны 10 сарын 15-ны өдрөөс 2015 оны 10 сарын 14-ний өдрийг хүртэл эхний ээлжинд 1 (нэг) жил, цаашид хугацаа сунган үргэлжлүүлэн ажиллахаар энэхүү гэрээг нэг талаас

- Говьсүмбэраймгийн Байгаль орчны газар,
- Говьсүмбэр аймгийн Сүмбэрсумын Засаг даргын тамгын газар,
- Говьсүмбэр аймгийн Сүмбэр сумын “Сүмбэр” агнуурын бүс нутгийн менежментийг хариуцагч “Степ номад” ХХК харилцан тохиролцож энэхүү гэрээг байгуулав.

Нэг. Говьсүмбэр аймгийн Байгаль орчны газрын хүлээх үүрэг

- 1.1 Гэрээний хэрэгжилтэнд хяналт тавьж, удирдлага, зохион байгуулалтын туслалцаа үзүүлэх,
- 1.2 Гэрээнд хамрагдсан сумын агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд идвэхитэн байгаль хамгаалагчийн эрх, үнэмлэх олгох,
- 1.3 Агнуурын менежментийн төлөвлөгөөний хэрэгжилтэнд хяналт тавьж, удирдлага, зохион байгуулалтын туслалцаа үзүүлэх,
- 1.4 Хууль бус агнуурыг мэдээллийн дагуу шуурхай илрүүлэн шийдвэрлүүлэх арга хэмжээг авах,
- 1.5 Агнуурын бүс нутагт байгаль хамгаалах иргэдийн нөхөрлөлийн удирдлага, гишүүдэд зохион байгуулалтыг бэхжүүлэхэд арга зүйн зөвлөгөө өгөх,
- 1.6 Агнуурын бүс нутгийн агнуурын амьтны мониторинг судалгааны анхан шатны мэдээг гэрээ байгуулагч талаас авч аймгийн мэдээллийн санд нэгтгэх,
- 1.7 Аймгийн Байгаль орчныгаар нь “Ховор амьтан агнах, барих тусгай зөвшөөрөл олгох журам”-ын 4.1 дэх заалт, аймгийн ан агнуурын менежментийн төлөвлөгөө, “Степ номад” ХХК-ийн сар тутам хийсэн мониторинг судалгаанд үндэслэн дараа онд тусгай зөвшөөрлөөр агнах амьтны тоо хэмжээний саналыг аймгийн хэмжээнд нэгтгэн төрийн захиргааны төв байгууллагад жил бүрийн 8 сарын 20-ны дотор хүргүүлэх,

Хоёр. Сүмбэр сумын Засаг даргын Тамгын газрын хүлээх үүрэг хариуцлага

- 2.1 Сумын нутаг дэвсгэр дэх ангийн нөөц бүхий нутаг дэвсгэрт нутгийн иргэдийн оролцоотой байгаль хамгаалах нөхөрлөл байгуулах ажлыг удирдлага, зохион байгуулалтаар хангаж ажиллах,
- 2.2 Байгалийн нөөц ашигласны төлбөрийн тухай хуулийн 18.1-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэхэд зарцуулах,

2.3 Агнуурын бүс нутгийн менежментийг хариуцагчийн ажлын гүйцэтгэлд хяналт тавьж ажиллахын зэрэгцээ төлөвлөгөөний биелэлтийн тайланг сумын ИТХ-аар хэлэлцүүлж тодорхой удирдамж, чиглэлээр хангаж ажиллах,

**Гурав. “Сүмбэр” агнуурын бүс нутгийн менежментийг хариуцагч “Степ номад” ХХК,
“Сүмбэр” нөхөрлөлийн хүлээх үүрэг хариуцлага**

3.1 “Сүмбэр” агнуурын бүс нутагт жил бүр мэргэжлийн байгууллагаар нарийвчилсан агнуур зохион байгуулалтыг хийлгэсний үндсэн дээр тухайн агнуурын бүс нутагт ан амьтны менежментийн төлөвлөгөөг мэргэжлийн байгууллагатай хамтран боловсруулж, тухайн жилд ахуйн болон тусгай зориулалтаар барих, агнуулах амьтны тоо толгойг тогтоож, сумын ИТХ-ын Тэргүүлэгчдээр хэлэлцүүлэх,

3.2 Нөхөрлөлийн гишүүдээр менежментээр хариуцаж байгаа нутаг дэвсгэрт ан амьтан, байгаль орчны мониторинг судалгааг аргачлалын дагуу хийж аймгийн байгаль орчны газар, сумын байгаль орчны хяналтын улсын байцаагчид хүргүүлж байх,

3.2 Монгол Улсын Байгаль орчныг хамгаалах тухай, Ойн тухай, Амьтны тухай, Газрын тухай, Усны тухай, Байгалийн ургамлын тухай болон бусад холбогдох хууль тогтоомжийн заалтыг өдөр тутмын үйл ажиллагаандаа мөрдөж ажиллах,

3.3 “Сүмбэр” агнуурын бүс нутагт ургамал, мод бут тарьж ургуулсан, амьтан өсгөж үржүүлсэн болон хурын усыг хуримтлуулах замаар усан сан, цөөрөм байгуулсан тохиолдолд дундын өмчлөлд хамаарах,

3.4 Байгалийн нөөц, түүний өөрчлөлтийн тухай мэдээллийг сумын Засаг дарга, бусад байгууллага, албан тушаалтанд тогтоосон хугацаанд нь үнэн зөвөөр гарган өгч байх.

3.5 Байгалийн баялгийг байгалийн гамшиг, ган зуд, хоол тэжээлийн хосдолоос сэргийлэх, түймэр, хөнөөлт шавьж, өвчнөөс сэргийлэх, тэдгээртэй тэмцэх, хор уршгийг арилгах арга хэмжээг холбогдох мэргэжлийн байгууллагатай авч хамтран хэрэгжүүлэх,

3.6 Ургамал, амьтан бусад баялгыг хамгаалах, байгаль орчны төлөв байдлыг алдагдуулахгүй байх,

3.7 Агнуурын бүс нутгийн менежментийг хариуцагч нь “Ховор амьтан агнах, барих тусгайзөвшөөрөл олгох журам”-ын 4.6, 4.7-д заасан ховор амьтан агнах, барих гэрээний биелэлтийн тайланг аймаг, нийслэлийн байгаль орчны асуудал хариуцсан байгууллагад жил бүрийн 11 дүгээр сарын 15-наас өмнө хүргүүлэх,

3.8 Агнуурын бүс нутгийн менежментийг хариуцагч нь байгалийн баялгийг хууль бус үйлдэл, гадны нөлөөнөөс хамгаалах, үүний тулд эргүүл гаргах, хяналт шалгалт зохион байгуулах, учирсан хохирлыг буруутай этгээдээр төлүүлэх асуудлыг холбогдох байгууллагад тавьж шийдвэрлүүлэх,

3.9 Агнуурын бүс нутагт зөвшөөрөлгүй ан амьтан агнасан, барьсан, өвс ургамлыг нь түүсэн хууль бус үйлдлийг таслан зогсоох, буруутай этгээдийг олж илрүүлэхэд байгаль орчны хяналтын улсын байцаагч, байгаль хамгаалагчид туслах,

3.10 Гэрийн мал, зэрлэг амьтны бэлчээрийн давхцалыг бууруулах зорилгоор бэлчээрийг сэлгэх малчдын нүүдэл шилжилтийн талаар малчидтай харилцан тохиролцох,

014 90191

ULAN

Ulan Ltd

110

3.11 Гэрээний хугацааг сунгах хүсэлтээ гэрээний хугацаа дуусахаас 3 сарын өмнө сумын Засаг даргад гаргах,

Дөрөв. Санхүүжилт

4.1 Биотехникийн арга хэмжээний зардлыг оролцогч талууд харилцан тохиролцож санхүүжүүлнэ.

4.2 Агнуурын бүс нутгийн менежментийг хариуцагч нь “Ан амьтны тухай” хуулийн 23.4.2 заасны дагуу гэрээгээр эзэмшиж, ашиглаж байгаа агнуурын бүс нутагтаа хийлгэх нарийвчилсан агнуур зохион байгуулалтын ажлын зардлыг өөрийн хөрөнгөөр хийж гүйцэтгэнэ.

Тав. Маргаан шийдвэрлэх

5.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

5.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Зургаа. Бусад зүйл

Энэхүү гэрээг оролцогч талууд 2014 оны 10 сарын 15-ны өдөр гарын үсэг зурж баталгаажуулж, 5 хувь үйлдэв. Гэрээ 2015 оны 10 сарын 14 хүртэл хүчинтэй.

Танилцаж зөвшөөрсөн оролцогч талууд:

Говьсүмбэр аймгийн Сүмбэр сумын Байгаль орчны хяналтын улсын байцаагч

----- / **н. Мөнхцэцэг** /

Говьсүмбэр аймгийн Сүмбэр сумын “Сүмбэр” нөхөрлөлийн тэргүүн

-----/...../